

沙南遺草三卷

休寧葉權中甫著

金鵠李黃選

汪大同公村閣

汪元英大呂校

七言古詩

良馬篇

君不見見渥洼龍種天上駒  
凌空捷景絕世無雙  
腫噴火紫焰烈五花連錢赤汗汙  
雙蹄蹴踐如

流電倏忽翻身笑飛燕若滅若沒忽失亾伯樂  
咨嗟九方羨自信人間生絕竒不謂尚有流落  
時大行道上鹽車重足跡孿拳腹苦饑一朝困  
瘠遭鞭撻駑駘騏驥相叢雜雖然骨格舊生成  
那復威神縱騰踏世間有馬人不知牝牡驪黃  
徒見疑時逢支遁憐神駿老死空門何所為何  
所為志未已試將拂拭乘英雄猶可追風日千  
里

孤雁篇

憶昔排空度燕塞羣飛直入凌雲隊萬里隨風  
漢戍寒千山帶月胡沙碎只言南下稻梁肥詎  
謂中途繒繳圍穿烟自幸餘生在伏俎長嗟舊  
侶稀飛二夜斗三更候銀河橫斜月西走遙望  
一行非故羣無緣萬里相先後雲中隻影印秋  
灣疑是黃沙舊侶還徒聞虛響傳湘水不復偕  
飛過楚山從茲心折人門弋蘋葉蘆花漢江側  
上苑誰傳遠道書中霄獨奮摧頽翼暮雲寒雨  
正淒二目極關山歸路迷孤鳴寡宿清秋際怨

逐流波是處棲

吳門歌

吳王破越兼敗楚北向黃池氣如虎闕溝爭長  
啓霸圖齊魯諸侯誰敢忤會稽臣妾留江都薪  
已臥盡膽已空顧忌謀臣先賜死移人尤物方  
居中乘虛直擣吳王國中轉戰吳軍北幕前  
聞報心已摧會上爭盟面深墨歸來失勢徒卑  
辭力盡途窮不可支寧知被虜如今日不得為  
臣比昔時憶昔吳王父初死一日何常忘攜李  
自從屢捷志益驕夫椒難贖姑蘓死人生得失  
那盡無要從安樂思遠圖子胥若不沉江水范  
蠡何須歸五湖

聶政歌

避仇屠狗匿齊市八十慈親供甘旨忽驚中夜  
來扣門云是濮陽嚴仲子登堂拜母壽百金口  
中囁嚅足長跪嚴君有怨心已知老母在堂我  
寧死丈夫感恩詎足辭白髮笑二更誰倚一朝  
母死三年終便仗雄心報知己百金不受意可

當況復孤卿下寒士長持七首問君讐韓相雖  
雄力能擬直入歷階衝相胷千人侍立俱披靡  
當時大道不遺親今日私情敢累姊屠腸剥面  
非所辭國中大索終當已恩分平生報亦隆寧  
論千載云非是嗚呼百金爲壽且不忘何況壯  
士當綱常

瓶中插碧桃花戲爲閨情

莫瀉銀瓶水留插碧桃花春風入深閨青枝附  
瑤葩日久瓶水落委棄如泥沙憶昔此花初採  
時鏡裏嘗將比玉姿只言能遣閨中恨詎晤凋  
零翻動思

題扇上梅花

江南六月無霜霰誰寫寒梅上團扇秋日空遺  
篋笥中無緣一見春風面隴頭消息寄相思時  
憶凌寒冰雪姿幸因花信重揮日彷彿秋風再  
熱時

贈蘓姬

家住鴛湖上斜對橫塘曲試望懷蘇樓小二今

沙南遺草 卷三  
埋玉春風此日正堪憐  
喚汝參禪不悟禪  
傷心老大翻從俗  
重上西江煩惱船

醉歌

天寒日落風颼二酒酣耳熱赤氣浮  
長笑出門向何許  
市中去訪屠沽流  
喜君意氣素豪俠  
兼通百技尤拳捷  
七曜禽星掌上推  
雙環寶劍腰間掣  
問君何事日閉門  
長吁永嘆含怒嗔  
丈夫之志在四海  
閭閻睚眦何足論  
賢豪未遇人不識  
莫向窮途怨蕭瑟  
試憶淮陰出胯時  
尚思陳里監門日  
況君器宇生絕倫  
虬髯廣頤七尺身  
三杯然諾重山海  
如君豈是蓬蒿人  
我昔少年向枯槁  
眼中萬事俱草二  
願將肝膽投朱亥  
相期共醉夷門道  
君不見濮陽周氏魯  
朱家劇孟門前夜  
有車緩急來呼為  
君脫肯令臨事發  
長嗟

西湖遊

錢塘二月天氣嘉  
蘭舟寶馬五雲車  
金尊日二西湖上  
狂殺春城十萬家  
綠水池塘俱種柳  
赤

沙南遺草 卷三 五  
欄亭館盡開花倡樓醉客蓮花酒僧舍迎賓龍  
井茶酒肆茶坊相對起張幃列市爭華修古砌  
高松宋代宮瑤臺金像元朝寺二裏遊人不斷  
行禪堂清梵午鐘敲正開白社空王戒先祝花  
辰大士生就中何處猶堪賞鄂王墳畔蘓堤上  
跨虹橋南錦障開棲霞嶺下華筵敞城中女兒  
不畏人春花爲顏秋水神不爭背後千人擁來  
看樓前百戲新錦衣少年意相羨千金難轉嬋  
娟面寶瑟銀箏度怨嗟金鞍玉勒誇輕健春風  
不爲駐容輝興盡垂鞭信馬歸鴛鴦掠水雙二  
過燕子營巢兩二飛此時望二烟波裏一水盈  
盈隔千里瞬目流眉心豈同含愁緘恨情何已  
別有豪家號水仙鳳釵蟬鬢翠花鈿斜移繡榻  
雙凭檻高捲珠簾不下船山頭日落高鳥過歡  
樂未終柰夜何畫船歸盡人何處聚景園邊慷  
慨多

觀盆池蓮

黃鬚綠幹三數房五花爛熳七尺長葉中木難

百餘顆瀉作水銀生暗香嘉禾白酒隣家熟磁  
盤魚菜韵不俗醉來疑是瀟湘間便唱秋風採  
蓮曲

高二雙樹歌

高二雙樹百尺修上有啼鳥聲啾二簷邊屋瓦  
凍欲墮門前河水寒不流此時高堂正歡燕如  
花巧笑回嬌面危言切膚隙暗生冷語傷心意  
潛變中年丈夫愛少妻青年晚母惡長兒天下  
難容晋世子人間宜死尹伯奇孤燈四壁熬長  
夜孱兒雙淚如泉瀉嚴君何必苦怒嗔明日從  
孃九原下

順風過臨江泊新淦

南來桂席北去櫓南船如仙北船怒奔雷橫飛  
章水湄流雲竟度臨江浦江白烟青水鳥歸寒  
山秋樹透斜暉往來盡傍人家泊明日天風知  
便誰

江東門外舊館歌

我昔少年耽遠遊揚帆飛泝東吳舟江東門外

市烟紫旅邸恰對長江流單衣短袂時揮霍日  
日騎驢向城郭秋風舊內草不除斜日新亭淚  
空落自從都門馳歸鞭廿年長醉鴛湖邊雨花  
臺下薄遊後桃葉渡頭飛夢懸長干烟月古無  
比白下風流今未已窮探未遂當年遊江山想  
像氤氳裏只今雙鬢如秋蓬仲春歸自南蠻中  
秋來卻買吳江棹重訪金陵六代宮江上還從  
尋舊邸不見故居見江水殷勤覓得昔人家兒  
童長大阿翁死當初鬧市常經過此時席捲成  
江波何處梁間飛燕子可憐屋上游鼃鼃秋潮  
入市高五尺城邊十家空九室天吳驤首號蒼  
冥江豚吹浪翻白日吾聞滄海原桑田須臾變  
化三千年眼前倏忽尚如此何況萬劫遭塵緣  
古來大地多慷慨英雄豪傑復誰在龍蟠虎踞  
帝王州鳳去臺空瀆渚改感時弔古徒悲歌異  
日重來更若何莫向烏衣嘆王謝人生恍惚如  
流波

江潮行



錢塘潮高一丈廣州潮痕暗消長揚子潮至  
小姑上前年錢塘望江樓對面雪山橫素秋秦  
望慘愴羅刹浮去年廣州南海島東溟颶風晚  
潮早一海銀浪夜杲杲今年潮時揚子津行人  
市中水半身穴窟泛濫蛟龍嗔人間萬變俱小  
可天下大故惟水火水柔易犯中含禍水勢巨  
測無過潮往來不逾夕與朝人心倏忽生波漂

進鮮行

龍江九月潮拍天白鷺洲前集網船中官開廠  
據江岸打魚作鮮飛進鮮江鱒鱣鱖長數尺上  
獻天厨重先得金刀正割錦鱗碎西江紅麴  
桃花色乘時隨帶几幾埋即取捷徑仍兼程途  
中舟楫如流星指日進御朝神京近聞江北方  
大水黃河一決無涯涘南船失道百貨停東海  
連波萬家徒只今水患猶漫涎官糧萬艘俱不  
前聖皇宵旰憂民間豈以口腹勞顛連何時  
一解東南懸

天香丸歌

君不見廣寒週遭八百里中有桂樹千尋許開  
花結實幾歲華蒼枝老幹無寒暑自從吳罡謫  
月中斧斲日夜聞蟾宮靈根盤錯不可斷搖落  
仙種遺江東鷲嶺支峯當月路夜半桂子空中  
雨瓊瑤璀璨下天衢老僧種出南山樹劉晨採  
藥遊名山八月十五花正繁攀花擷蕊盈十斛  
搗合玉液三千丸磁甌初啜龍團畢爐烟一炷  
消長日浥露薔薇金鼎調騰芳蘓合雕奩出昔  
聞林家廣寒漿復有韓氏桂仙湯君於二美誰  
短長冰丸入口生異香騷壇爲我資談絮無限  
珠璣傾錦囊

題扇頭朱竹

長公胷中有成竹偶爾據案想蜩腹兔起鶻落  
如有神不在驪黃與朱綠人間翰墨何難披作  
者雖衆識者稀火龍赤鳳任揮掃顏色雖是意  
象非

曉棠

春燕夜深停衆樂小嬌登席飛瓊爵劉家彩春

懷正開薌澤微聞鳥履錯通宵被酒卯未醒海  
棠初覺春冥二花稍飲露向郎語儂貌與花誰  
有情

寒松歌贈程子

北山龍從高萬丈怪石巉巖冷泉上泉上老松  
傍石生蒼枝直榦清寒相亭二百尺挺孤節凜  
凜六月撐霜雪虬頂盤拏瘦骨支龍鱗婉轉貞  
心裂干霄拂漢秀且竒野火不及人莫知山空  
崖陰動雷雨精滿靈聚蟠蛟螭上有千年鶴據  
巢清唳聞天涯下有千歲苓山鬼寶惜潛護持  
社櫟終因臃腫棄祠柏難與霹靂辭此松旣逃  
斧斤厄掄材不愧梁棟資君不見泰山頂上五  
株松昔嘗清操凌春冬一朝屈節膺秦封至今  
離立當要衝豈如此松得素風冷泉怪石相與  
同終古不入紛華叢程君程君汝且箕踞其下  
思鴻濛

大雪歌

海陽城中一日雪大者如掌小蛺蝶臨洮破褐

納敗絮北風直透肌欲裂山妻禁瘁孫亂啼痴  
兒屈身齒彈舌此景自得人不知寒者難與暖  
者說呵筆寫書覓故交數行一去音斷絕吾家  
嗣宗素愛我知我此時當之缺斗酒攜來興不  
淺不期而會意真切兩人對酌夜向闌翻笑朝  
來苦騷屑人生窮通會有時莫因貧匱生嗚咽  
飽則分人饑乞食古來凍餒多賢哲君看孔門  
稱高第簞瓢陋巷衣百結今夜有酒且痛飲眼  
前世事誰工拙明晨日出同負暄高談千古慕

夔契

縹絲行

楊花飛二綠樹新江天四月寒熱勻樓頭蜀鳥  
叫殘月樓上吳孃初起辰菱湖水色堪沃雪睦  
州櫟炭團爐藝光鮮小繭落沸湯車輪如電銀  
光掣作者是儂衣者非春蠶雖好生計微細絲  
不惜親手縹錦絨卻上誰家機滄溟前日東風  
作鯨波浩蕩海水惡縣官督促排門夫郎作民  
兵向城郭只言絲熟兼有綿支持戶役無餘錢

沙南遺草 卷一  
假令更值凶荒歲須向豪家乞典田海內盛傳  
吳地樂江南非復舊時天

怨情

三四退後再前即欸二向郎吐胃臆求郎一語  
郎默二毛嬙西子無顏色昨夜郎歸四野寒荒  
雞亂叫月光殘入門託醉斜二步不把流黃正  
眼看

七夕

天風漸以清新月漸以明涼颼靈彩流中堂攬  
衣緩步下簷廊仰天遙視浮雲翔雙星燦二河  
之旁渺然隔絕如兩鄉巧亦不可得會亦不可  
常人間流語何荒唐含思感念徒自傷

受同陽子口訣

混元脗合周易理後世衆同伯陽子方士失傳  
億度生人間浪說鉛丹旨千秋幻弄魍魎出七  
日鑿開混沌死何方是坎何是離孰爲華池孰  
神水荒郊白骨空如山誰得長生誰久視廣成  
化身同陽生常欲度我遊五城豈知昔日緣未

結直至今者心方明意見何須假文字推測切  
莫勞凡情火裏暗存赤烏質水中喚出金龜精  
以無投有入紮府叅三合一歸黃庭九迴七返  
几骨液十年一日嬰兒成世上應無金石礙雲  
端便有旛旌迎山雞野犬悉將去與爾携手遊  
蓬瀛

### 易水行

燕丹屢駕促荆卿荆卿欲行終不行爲言有待  
待誰子佐以舞陽期必成易水蕭蕭寒風起高  
生慷慨髮上指悲歌擊筑祖道開刻以羽殷雜  
變徵舞陽奉匣秦王殿發圖二窮七首見祖龍  
袖絕環柱走死灰豎子徒驚戰相看豪主成倉  
惶無且旁起提藥囊生劫不成壯士廢白虹空  
亘西天長君不見古來豪俠豈稱力竒功未著  
人不識誰將短劍呼倚天莫縱空談恃憑軾荆  
卿已先燕社移鐵筑乘風尺步追當時欲選同  
行者雄鴛誰如高漸離

### 席上吟

故人作主賓意和玉盤參差珍饈羅香風馥郁  
四座合酌以名酒妖姬歌二罷訴情二若海少年  
雙鬢塵中改此生幾度他鄉逢今日不樂欲  
何待

驄馬行贈朱明府

青驄綠離高八尺竒駿連錢汗微赤海中龍種  
河水精追電奔霄縱超逸當年就馭歸天閑拂  
拭初試金階前寶鞍始駕下南服駐以玉鞿珊  
湖鞭霜蹄豈憚崎嶇路寰中狹小難高步八極  
何辭御帝遊一方且自看神助轂名籍二聞九  
埃燕王市駿開金臺騰黃可致三千壽驥裏元  
非百里才

孀瞽重明歌爲丁計部賦

自從渾沌分真空穿鑿七竅開鴻濛秋毫宇宙  
入方寸精靈正在阿堵中嗟哉丁母最賢澍慟  
夫不住華周哭血灑千行矢一心形虧半鏡旨  
雙目對天籲天二不明徒懸想像終窈冥此身  
未亾願從死神光已失寧祈生生兒拔萃家轂

起追縱正禮才名美有祿何妨孝子心無緣可  
返慈母視承恩轉官西入關禱祠搜訪三輔間  
千里遙迎空對面十年勞悴悲承顏渭南李子  
猶龍孫秘傳方技來候門精誠感格形夢寐金  
針隨撥原神存一朝重得見天日恍惚方疑隔  
世出府君忭舞童稚驚舉室歡呼歎竒術韶華  
再覩景物芳且喜從今末路長憑將白髮垂青  
晝重見斑衣上北堂古來忠孝本一理異蹟應  
須報 天子召取留都畫省郎行當大拜金門

裏

項王

拔山舉鼎何雄槩秦皇便可取而代一朝錦衣  
歸故鄉身稱霸主臣同輩楚漢不敵君所知天  
下大定翻生疑八千子弟竟不返七十老翁空  
好竒

題流移圖

日落兮烏棲野無人兮兒啼飭擔兮欲何之欲  
行不行兮疑路岐朝來自東兮暮宿於西爾形



誠勞兮爾心則怡爾心怡兮夫與婦生死而相  
依嗟高樓之美人兮歲晏而傷乖離

吳中大水歌

嘉靖辛酉

去年地震正陽月今年仲春五尺雪白髮老子  
嘆未睹青檀腐儒獨愁絕兵旅之後有凶年當  
寒不寒熱不熱夏五連旬太陰泄全吳千里白  
浪洑滄溟倒流浮震澤田園變作蛟龍穴徐築  
新塋分舊埒四野茫茫候雲霓可憐昨夜秋風  
冽復值滂沱數宵徹橫流滔逆衝折兩翻一  
洗無遺了東南民力亦已竭以玉為食桂為藝  
邇來供億盡膏血九年大水何烈河洛明德  
恩彌切我為巢由洗耳聽時傑嗚呼我為巢由  
洗耳聽時傑

雞石歌

羲和總轡御朝日中有天雞羽毛赤人間蜀魯  
不敢鳴精彩如今化為石上古少昊稱金天百  
億孫子誰最賢蓬瀛著籍五千歲海陽渾世六  
十年懸知此石意象古靈光幻戴初腸舞清高

不受秦王鞭神異應從女媧補老翁愛石二  
是雞扶桑早挂中夜啼嗶二不已起風雨磷二一  
片騰虹霓山雞化鳳石成壁黃鵠一舉凌空翻  
老翁就隱金馬門郎君便作玉堂客君不見尸  
鄉昔有祝雞翁養雞立名人性通山下放散樹  
上宿千羣馴擾遊花叢買錢忽去吳山側鑿池  
種魚魚詐二仙禽一旦來相迎白鶴孔雀紛累  
百此老亦與雞有緣金箱玉筭雞翁傳入石不  
疑異類便逍遙五雲成上仙

採蓮曲

山上有葛水有荷採蓮作曲葛作歌葛留獻君  
蓮則那腹轉車輪口半哦發詞雖少取意多秋  
江欲暮秋鳥過北風蕭瑟西風和行人不歸音  
信訛日月冉二空蹉跎

沙南遺草四卷

休寧葉權中甫著

金鵠季黃選

汪大同公尉閱

汪元英大呂校

五言律詩

咏史

貴主徹侯夫風流似子都十年時勢異身屬馬  
前奴斜日飛冠蓋芳塵擁道途春花無定著瞥

眼見榮枯

平生

平生惟任性老至不謀身自愧長途驥誰憐涸  
轍鱗文章屯骨相燈火赦心神莫訝交情變山  
荆是故人

文章

文章他日事湖海此時情久客慚衰賤無媒負  
盛明雨中淮水長山外楚雲平尚有南歸雁難  
從寄遠轂

閒居

九十春光暮翛然水石居藻深魚自匿花落蝶  
應踈原憲貧無累榮期樂有餘閉門長謝客終  
日檢方書

塞上曲送方王孫從軍二首

念爾東南秀遙投西北邊一身甘死難百戰幸  
生全雪磧橫戈度冰河按轡旋封侯應不易須  
及請纓年

其二

秋到邊塵暗胡來烽火明將軍兵有制壯士氣  
難平月落笳三動風生馬一鳴鄉心誰不切所  
志在功名

水樓夜興

未就歸園賦年二寓海東客愁添夜鵲鄉思切  
秋蟲溪月高逾白漁燈近稍紅仰看河漢落清  
嘯意無窮

秋興

三秋餘暑盡九月乍寒侵斜日蘆花岸清霜楓  
樹林物華皆可玩詩意莫求深萬法原平等冥  
鴻即遠禽

布被為偷兒持去

翠被暖堪惜鴛衾春可憐貧家惟白布舊物比  
青氈憎汝潛持去妨吾獨擁眠也知重製好戀  
戀故綢便

秋扇

豈須常在握君意未應忘縱使恩情歇猶將篋  
笥藏人情從用舍天氣互炎涼尚卜相逢日秋

風莫重傷

孤山弔林處士

我愛龐公業時牽尚子情先生無一累梅鶴有  
雙清盛世成真隱名山訂夙盟孤墳湖水上終  
古白雲橫

西歸舟中

旅跡孤蓬轉歸舟一葉輕峯過嚴瀨峻潮入富  
春平水鳥衝波起山猿掠樹行沂流風一幔日  
莫帶松聲

江上別沈與之

我入越王國君浮揚子津相思兩地月同是異  
鄉人踈竹經殘臘寒梅報早春江南烟雨候莫  
負賞花辰

送方少孫東遊二首

歲月淹儒術功名屬酒徒放歌辭故里長笑下  
東吳排難歸高士傷時表丈夫曹洪求記室難  
屈阮元瑜

其二

屢上不如意登壇未有期世人共談笑吾子竟  
棲遲老馬空嘶櫪雄雞亦憚犧平生懷杜甫飄  
泊尚憂時

送程子達西歸

故鄉望不見春水漫芳洲江上君頻去天涯我  
獨留山光延別酒風色便歸舟何日重連袂蘭  
亭一恣遊

贈渡叔

二十挾長策遨遊入越中煮乾滄海水鑿盡象  
山銅北闕心常戀東吳路未通時二看寶劍吐  
氣欲成虹

烹茶

宿醉蘭陵酒新烹陽羨茶清溪寒石髓穀雨瘦  
山芽名入高人品香分逸士家幽懷吾自賞不  
必著經誇

送涇叔往海虞從葛先生問禮

葛乃兄前  
進士也

江南文物地海內聖明昔小戴專門業周官命  
世資春風臨絳帳秋雨下寒帷莫動斑衣念機

沙南遺集  
卷四  
中正累絲

登鎮海樓

清秋一登眺，滿目見繁華。  
曲檻開三面，高樓俯萬家。  
湖光青吐樹，江氣白吞沙。  
日落增悲壯，長天帶莫霞。

送汪守常西歸

吳下春猶早，寒多未換衣。  
不禁生客思，况復送君歸。  
巖瀨灘聲咽，桐江月色微。  
相思動千里，堪逐雁西飛。

南樓早春

南樓春早望猶未，動芳菲。  
一片青郊外，雙二白鳥飛。  
山童牽乳犢，野老逐豪豨。  
因感田園興，凭欄歌式微。

病

攬鏡愁顏改，開書素業荒。  
醫庸難舊病，身憊怯新方。  
陌上從花懶，尊前失酒狂。  
毗陵三月裏，虛駕夢中航。

久雨旅思



梅雨何時歇南風五月吹田家歌蟪蝼漁戶飯  
鷓鴣秀水通湖泊橫塘接海堤江鄉素卑濕不  
覺動歸思

潘宅觀蓮

菡萏池塘夏芙蓉江漢秋相憐不相近何處寄  
風流移植河陽館還依明月樓暗香清夜度疑  
泛採蓮舟

題守源叔王子衛書館壁

送客不出戶著書常閉門紫苔封月砌青草護  
雲根闕澤禮多據王哀詩有源寒余慚棄置看  
爾共飛翻

歸思

久客傷時序閒居感物情那堪春鳥歇又聽暮  
蟬鳴勛業屯當世身名塞此生歸懷惟菽水惆  
悵滯孤城

立秋

高枕聞秋至涼風欲四更孤桐一葉下脩竹萬  
竿聲虛檻湖光白踈簾暑氣清海西今夜月應

動幾人情

送子達歸越

吳越山川隔音書日月違一年方會晤三宿遂  
辭歸荷葉秋池歇蘆花暮雪飛言歸還是客何  
地試寒衣

九日飲鄰家

江南秋氣薄九月未霜華遍地都栽菊重陽不  
見花比隣呼野客濁酒熟山家取意籬邊坐臨  
風興不賒

早過白龍潭望景德寺

孤舟浮綠水野寺隱青松刹古多棲鶴潭空舊  
起龍踈林懸宿雨高殿出晨鐘幾欲從玄度支  
公不世逢

紫陽庵弔丁野鶴

紫陽山上月獨坐幾黃昏一旦真嬰去千秋委  
蛻存松殼和露泣鶴影入雲翻數語留丹訣分  
明衆妙門

偕友人登雲居

物候三吳早風光二月初盍簪登鐵嶺仗策到  
雲居樓閣烟霄外湖山春雪餘凭高意不盡相  
對說玄虛

遊紫陽菴樹下小酌

喬木倚雲栽參差洞壑開怪根危石裂踈葉勁  
風迴列席依青嶂移尊破綠苔仙踪那可繼塵  
世此蓬萊

登烟雨樓

日高東海近舟楫趁風來水漲南湖闊人家對  
鏡開山河環埤堦雲物敞樓臺徒倚北窓下涼  
生夕景催

送舍弟橋西歸

雙溪歸棹發臨別一悲辛汝少心寧放吾狂性  
未馴鴟皮慚作客馬鬣苦思親後輩母相襲歸  
須訓誨頻

歸思

惆悵仍千里蹉跎欲半年田家歌夜雨歸客感  
秋天生計飄蓬際鄉園落景邊綵衣違素願心

沙南遺集 卷四  
九  
碎蓼莪篇

六橋

春色六橋徧鶯聲千樹深桃花歌綠水楊柳匝  
清陰戲馬看連轡開尊聚合簪赤欄幽絕處時  
聽管絃音

西湖十景

平湖秋水

湖迥炎氛淨天高灝氣清六橋春潦盡八月暮  
湖平海日含波照山雲落鏡明畫船雙蕩槳時  
有採蓮聲

南屏晚鐘

梵靜烟初合鐘聲日正暝隨風傳上刹帶月出  
南屏鳥宿雙林樹僧歸獨夜燈偶然聞夕響於  
此悟真乘

麴院風荷

南風吹院落細雨過池塘澹二芙蓉色清二荷  
葉香雲光秋意作水氣午陰涼偶誦騷人賦依  
稀見沅湘

沙華遺集 卷四 十九  
蘓堤春曉

曉色開千障晴光散六橋湖雲舒夜氣山鳥弄  
晨飈弱柳含烟媚崇桃拂露嬌嚴城時一啓車  
馬動喧囂

斷橋殘雪

斷岸冰猶合危橋凍未開避人饑鳥起負客寒  
驢來一線崎嶇徑孤山咫尺臺因之訪和靖相  
伴有寒梅

雷峯落照

日落晴暉散山迴返照移雷峯孤刹影蕩漾萬  
工池鳥競前村竹蟬鳴高樹枝霞光兼月色相  
送暮歸遲

三潭印月

銀漢秋連水明湖夜隱山三潭落天上孤月浸  
雲間滿擬鏡同照弦將弓並彎何當乘小艇直  
泛斗牛還

兩峯插雲

秀色鬱蔥蔥二湖山高兩峯雲間麗秋日天際削

芙蓉北眺烟墟密南瞻海國重蓬萊如可到吾  
此駕虬龍

花港觀魚

盧園清港口玉砌護金沙密藻依流水遊魚唼  
落花來聽琴韻切去散陣雲斜不近漁人餌生  
生未有涯

柳浪聞鶯

湖邊停曉棹花下共春行浪拂千絲柳時聞百  
轉鶯間關如有意嫋娜似多情送別將攀折應  
憐求友聲

晚

海上秋先作樓南日欲冥片雲將隻鳥初月引  
孤星梧葉侵簷落荷花拂檻馨物華清可玩吾  
此放吾形

遊雲間二首

宿慕雲間景今為海上遊西風下黃浦正是葦  
花秋山列九峯秀湖分三泖流洛陽歸夢斷懷  
古恨悠二

其二

潮長河增白天寒山益青秋深鱸正美夜永鶴  
堪聽殺氣將軍堰清風御史涇昔賢今不見孤  
月照華亭

九日

多病南樓客逢時益慨康寒衣家信至不覺又  
重陽晚稻迎霜熟秋花帶日香鬢毛渾欲短新  
白已成行

新秋憶江上舊遊

昔作江干客秋來便憶家如何居故里行復憶  
天涯碧海三山島晴湖八月槎逝將辭俗累還  
去弄烟霞

同汪東五味綠谿新月

新月林端挂幽人谿上遊清輝方掩鏡纖魄乍  
懸鈎薄彩澄秋色餘光散夜流相思自今夕遙  
憶海西頭

貧女吟

妾家本寒素輒敢怨清貧未識門前路由他陌

沙燕遺集 卷一  
上春卻看馮氏女  
叨作漢宮嬪  
自入昭陽後  
娥眉妬殺人

春月

圓魄今宵滿  
清光萬里同  
正懸春樹上  
來照夕波中  
疑碧樓蟾影  
流金散桂叢  
若令秋夜看  
清怨總無窮

送溶叔遊雲中

道遠心徒切  
年荒路未通  
此時離海上  
何日到雲中  
代馬嘶邊月  
胡鷹擊塞風  
秋衣難遇便  
歸逐北來鴻

野望

久思田里樂  
應悉野人情  
雨水三春足  
園林四月清  
鳥從花裏哺  
魚入藻中生  
我獨何為者  
年年海上行

湖中

春風二三月  
日二醉湖中  
柳帶愁思綠  
桃含懊惱紅  
啼鶯千句好  
飛燕兩心同  
狂殺諸年少  
朱門繫玉驄



沙解遺集  
卷四  
變童

黥鬢分雙角清眸抹四隅香膚周小史纖質漢  
馮都莫對前魚泣應從後駕趨滿筵偏注意妬  
殺紫羅襦

九日獨酌懷守常濟甫

龍山高興日彭澤獨居時紫螿肥應早黃花開  
較遲一杯聊自酌千里正相思知汝茱萸酒天  
涯應共持

旅况

夜案蕭疎甚秋衣單夾重風簷鳴鐵馬雨滴按  
銅龍白酒東家市黃梁西舍春旅人爭席罷歸  
夢得從容

閨情

門前峽江水日二向東流不得南來信知君何  
處游長安多狹徑戚里有高樓曳斷春蠶緒愁  
端無盡頭

詠鶴

野鶴本仙禽孤鳴時在陰海風秋氣爽山月夜

寒深水滴昂藏步天涯寥廓心華亭有遺憾吾  
得釋吾襟

贈秦一

秦氏羅敷女相逢南郭隅春風回玉面朝日映  
羅襦摘葉盈筐筥看花交路衢殷勤前致語不  
道使君愚

送涇叔涵叔泗叔赴留都應試

南國薦文雄聯翩赴上宮馬羣空冀北鳳數擬  
可東夜雨滋崇華秋風動桂叢故鄉遙屬望飛  
札託來鴻

錢塘館

今日依棲地當時年少場閑門扃寂寞虛閣鎖  
荒涼海燕辭秋靄江鷗避夕陽傷心舊同侶一  
一鬢毛蒼

雪霽同溶叔過白鶴觀

旭日開晴後東風試暖初偶乘二院興來訪五  
雲居綠野春城外青山夜雪餘郊南泉石秀堪  
結草玄廬

香爐峯

香爐最竒特鳥道絕人蹤獨立雲中柱孤標意  
外峯曉烟騰翡翠秋水挿芙蓉堪駐遼城鶴青  
天隔幾重

順風過滕王閣

高閣猶西峙長江尚北流清風同一席令序亦  
三秋寒鳥窺楓岸晴鳧度蓼洲扣舷空憶古不  
及豫章遊

秋夜有懷

獨枕欹斜臥寒燈慘澹然鄉園千里夢風雨二  
更天客興夜難遣人情秋可憐對茲懷故舊心  
落雁聲邊

懷涪叔

江湖徒意氣祿命久迍遭此日屠龍就何時畫  
虎全魯連欲蹈海鄒衍好談天試進人間語其  
如賦性偏

泛南湖

東郭近江皋南城對海潮水圍三塔寺湖夾五

沙南遺集 卷四  
龍橋高鳥雲邊下輕帆風外飄歸途不覺晚新月挂雲標

有懷

四海長為客一年惟憶君無家傷杜甫多事困揚雲處燕難為處羣雞欲出羣引商歌郢市寂寞有誰聞

鶴

雲間垂勁翮池上託孤棲文彩難追鳳清癯不類難脫山風入對秋水月臨谿別有鳴臯意寧同夕鳥啼

早

南畝青苗候中天赤日焚一春常苦雨六月總無雲身老驚時變才踈厭世紛艱難資桂玉棲泊大江濱

晚次郡城

四野荒烟合孤邨燎火焚棲鳥寒列陣行旅暮投羣峯亞山藏雪溪深水起雲郡城西去路丘壑不能分

夜宿富春

夜靜江淒楚天空山寂寥人烟依旅舶燈火聚  
漁舫白二孤城月洶二百里潮鄉園在何許歸  
夢不知遙

過東塔寺朱買臣墓

寺乃買臣故宅

古刹青門外荒墳綠草邊雲歸樵響過風度誦  
磬傳池水猶清濁禪燈自歲年虧來長恨月夜  
夜照重泉

懷汪守常

旅邸堪誰語新年喜見君正期杯共把詎意袂  
重分懸榻虛江月登樓救海雲孤蹤天一畔音  
信若為聞

雨霽

梅雨臨宵霽荷風拂夜幽蛙鼓偏到耳水氣不  
侵樓漁火依孤嶼樵歌過小舟海天多意趣聊  
慰越鄉愁

晝眠

夏至日初炎湖香散芰蓮南風入虛牖高枕北

窓眠宇宙容吾懶山川賦性偏五經無一得徒  
爾腹便二

水樓獨坐

白二晴湖水清二夏日樓平郊一望盡曲澗四  
周流乍熱催蠶月餘寒至麥秋感時思故里愁  
絕聽江謳

江魚

海味三吳產江魚五月時開冰寒氣襲入饌暗  
香吹鱗耀黃金子鯁含赤石脂何緣飛一棹千  
里慰姜詩

聞守常自丹陽遊雲溪

芳春一別後踪跡杳難尋欲寄丹陽信俄傳雪  
上音湖山君久客風月我孤吟兩地無緣縮相  
思積幾深

喜程子達至

吳州秋欲半處二桂花開客興堪誰語君能惠  
我來夜深風入榭江迥月侵盃門外山陰棹明  
朝且莫迴

懷一甫兄

久失江湖意隨生鹵莽心十年冷破產千里愧  
分金櫪伏支公馬窓虛陶令琴無緣從一試長  
嘯日沉二

紅白梅花

嘗讀高人傳來尋處士家清心分水月幽韵協  
梅花白映經冬雪紅凝落景霞六橋看咫尺桃  
李浪繁華

遊靈隱寺

龍宮舊寥寂遺跡是真源不見湖通海猶疑江  
對門桂香來月路泉冷發天根無盡逃禪意忘  
言向夕曛

月桂峯

蟾宮八百里桂子下秋風誰信清虛地人間有  
路通異香何日散仙種至今紅待到中秋夜登  
臨心賞同

登瑞石山過三茅觀

白石走紅泉青蘿冒紫烟雲開山露骨風拂樹

參天洞口幽花發巖頭密竹連崎嶇懸一徑攀  
陟訪茅仙

春郊眺望

山川相映發風日正清明野色村邊媚溪流石  
下清人烟二月社花柳萬家城應接真無暇何  
如剡曲行

月下懷溶叔

征蓬何處轉渺二望歸鴻獨步中庭月相思萬  
里同蟲聲喧夜砌雲色淡秋空一曲江南弄無  
緣托順風

閨情

足知邊塞苦不減閨闈思萬里圖勛勩須乘壯  
盛時朝華暮易落君貴妾當衰及至榮歸日蘭  
房新愛移

宮怨

欲訴妾心苦適當君意闌歲華驚物換雨露怨  
花殘苔戶朝二靜蘭燈夜二寒玉顏消瘦盡莫  
作細腰看



殘菊

秋風正搖落菊也獨芬芳縱是因霜損終能帶  
日香繁華難自保委棄詎堪傷重入瑤觴薦君  
歡幸未央

冬至客中作

泉心動子月生意啓初陽晝漏添宮線晨關閉  
旅裝客愁渾欲減雲物鬱相望爲報梅花信鄉  
書即寄將

咏雞

憶昔當陽日先鳴振彩毛自從辭芥羽不復恃  
狸膏窓下司晨應桑顛報午高待君能拔宅同  
向五雲翱

登釣臺二首

薄暮停歸棹凌晨登釣臺羊裘徒想像天漢迥  
昭回怪石穿雲出長江捲霧來清芬播千古臨  
眺意悠哉

其二

高人不可見遺跡尚依然臺迥三千尺江流十

沙南遠草  
九泉亂雲春樹外  
初日古祠邊  
無限高山意  
長歌一扣舷

歲暮郊外

郭外野梅香  
行吟野水旁  
晚來晴稍暖  
冬至日  
差長殘雪明  
孤岫輕烟合  
四荒人間良  
不易歲  
莫得徜徉

珠簾泉

峭壁開青障  
平池布綠茵  
飛來珠錯落  
懸向翠  
嶙峋貫影千  
尋下含光  
萬顆勻  
山頭雲雨度  
彷彿捲簾人

南康

城郭蓉江上  
人家藻水邊  
午烟依戶起  
寒日對  
窓懸  
搖落三秋  
莫蒼茫  
十月天  
他鄉風土異  
回首一凄然

舟中夜坐

古岸迴宵泊  
荒山驚夜眠  
寒生千嶂月  
人倦四  
更天  
風急鳥翻樹  
水明魚跳船  
客懷何以遣  
南雁數聲傳

沙麓遺集 卷一  
至金臺喜遇守常

秋風吹匹馬迢遞向金臺  
詎意君先在尤憐我  
忽來情聯姜氏被興極  
謝家杯相對京塵裏  
羈懷若爲裁

初晴守常濟甫邀飲酒家

草閣夢初回門前酒伴催  
三人看花去雙屐踏  
青來宿雨凌晨霽春雲  
傍午開流鶯如有意  
歌進掌中杯

喜雨

遠岫膚雲合長空曳電  
照四郊胥足雨六月漫  
同天餘澤資秋穫新涼  
妥夜眠東溪新漲闊  
好泛釣魚船

送任三歸蕭山

去矣任公子門前候卒  
催如何千里至空博一  
囊回欲廣絕交論行斟  
送客盃丈夫非駟馬莫  
爲故人來

寒士

由來寒士苦可盡故人  
歡把酒當歌易輸心出

沙麓遺集 卷五 五  
語難龍門迴九曲鳥道起千盤末路從知險塵  
冠何用彈

丁海仙宅聽琴有贈

主人真好事四座起春風急雨琵琶妙寒蟲摘  
阮工草分楊柳綠花讓杜鵑紅獨有吳門客孤  
琴調不同

送族中八秀才應試

上國求英彥羣才出我宗粵林皆是桂穆駿總  
如龍海氣三秋壯天香八月濃禮闈應並擢霄  
漢起相從

沙南遺草五卷

休寧葉權中甫著

金鵠季黃選

汪大同公剡閱

汪元英大呂校

五言律詩

天真精舍憶先師  
柴后愚先生兼懷夏純甫

甫

憶昔天真舍  
夜深燈火明  
師從老商氏  
友是伯

高生梁木千年憾  
樹漿一日情  
天風敲翠竹  
彷彿授經轂

菖蒲

綠水映盆池  
菖蒲含綠滋  
雨根靈九節  
霜葉瘦千絲  
不競羣芳豔  
寧同衆草萎  
置塵無自染  
何物擬清竒

寄汪大觀

時大觀有警言

早歲空談劔  
中年漫學書  
風塵千里隔  
吳楚半生虛  
遠塞方憂馬  
寒江久斷魚  
定陶天咫尺  
知爾術猶踈

登五層樓

高樓出霄漢  
飛檻宿煙嵐  
海闊三洲外  
天偏五嶺南  
青山冬不改  
綠樹日相參  
越秀梅爭放  
携尊重討探

夜泊濠鏡灣

遠遊殊曠憾  
孤艇獨依凭  
夜浪翻銀海  
秋河轉玉繩  
嚴更催戍鼓  
殘焰耿夷燈  
牛宿南天近  
乘槎惜未能

舟中元旦

放棹胥江上停舟粵水邊  
所將皆舊侶不覺是新年  
瘴地先春暖蠻山不火烟  
由來風土異珍重首陽天

清遠峽

遠道何寥落歸船莫滯淫  
水衝蠻路斷山逼峽江深  
陽渚無秋雁寒林有夏禽  
新年花卉發鄉思不能禁

過韶陽

北客歸心切南雄去路長  
湏流分嶺表山勢走韶陽  
粵女引溪綆蠻童駕野航  
桃花開正月春色首炎方

南雄道上

正月今方半桃花開欲闌  
地偏難應候歲改不經寒  
野水流沙漲蠻山怪石攢  
荒涼安可道歸路促征鞍

捕魚鳥并叙

余下蓉江有鳥黑質白章  
大於鷓鴣從空中

自擲水上輒得魚返余方喜其便捷俄而一  
鵲捕之此鳥往來迴避鵲稍追及即自擲水  
如向覓魚狀鵲竟空起若此者二三十度矣  
余意必脫既鵲尾之不舍已乃力盡不能復  
擲遂為所得提止巖下呼啼間毛血灑落矣  
古人云弱之肉強之食吁嗟勢也與汝捕魚  
何異哉感而咏之

捕魚聊望腹機事可須防勁翮方投水霜拳忽  
在旁往來非不捷才力詎相當倏爾分毛血平

蕪灑數行

莫春明慧禪師見過

花飛春晝永風動午天開野客凭欄坐高僧擁  
錫來衡門扃白日馴鳥啄蒼苔相對忘言妙無  
勞証鏡臺

登吳山絕頂

四望開弘敞南風解鬱陶海浮三島遠湖插兩  
峯高樓觀含朝日江帆急莫濤何人更懷古長  
嘯俯蘭皋



五日

楚魂何處酹越俗且相隨病蓄經年艾心傾向  
日葵雄黃聊喫酒塞白一吟詩客裏逢時序陶  
然醉莫辭

喜晴

斜日照階除輕風入綺疏榴繁晴色放竹密午  
陰虛野水三番後湖山一洗餘明朝須理棹先  
訪藕花居

金陵

六代舊王國千秋新帝鄉地輿三輔險天塹九  
江長殿迥盤龍虎臺高起鳳凰孝陵松檟秀真  
氣鬱蒼蒼二

遣興

黃金臺下客悵望晚風前沽水東連海香山北  
近天斷鴻悲後隊羸馬愧先鞭且醉長安酒無  
才祇自憐

邨中同汪守常飲

東郭先生履洛陽季子裘何緣常作客詎敢望

封侯魏闕天空闊  
燕山路阻修  
聊將一尊酒  
相慰旅中愁

初春至家

人從天路轉身似肉仙  
飛去歲南中  
返初春  
北上歸炎寒  
瞥眼過花月  
賞心違  
自笑長遊客  
何時定息機

乞猫

好夢時常覺  
虛堂夜不清  
惱人緣黠鼠  
從爾乞  
狸  
性想具  
淨穉勢  
兼朋子  
午晴裏  
鹽題短句  
聊代主人迎

短褐

短褐慚凋敝  
微軀屢播遷  
秋風堪聽雁  
春日怯聞鶻  
北地身千里  
南蠻路一年  
歸來仍失意  
囊貯幾文錢

村庄留客

南郭正春和  
村庄樂事多  
老妻釀魯酒  
童子解蠻歌  
山巖黃泥筍  
溪魚清水螺  
殷勤留竟日  
問爾數能過

三月三日偕守常濟甫飲溪上

今日是何日春風三月三傾盃花欲語促膝酒  
將酣綠樹攢丹嶂頰鱗戲碧潭洛川修故事吾  
愛汶江南

酒館值雨

溪水起微波溪風拂早禾暑天將晚變時雨向  
秋多孤館蒼山對平林白鳥過共言涼可飲無  
柰促歸何

新秋約一二知己為黃山白岳之遊

鄉國自多娛村二有酒沽萬山遙帶楚一水直  
通吳雲岳新宮闕天都舊鼎爐西風退餘暑早  
晚命吾徒

偕友夜飲

荷晚作秋香楊踈露月光高談逢舊好豪飲適  
新涼詩句離情切琴轂商調長古來良會少今  
夕莫辭觴

送呂邑博歸新昌

乃兄即尚書  
公光洵也

會稽文物地姜呂世流風經術推難弟勛名有

長公一官真絆驥千里好聽鴻  
歸路乘秋興溪山舊刻中

示兒復陽

我才非爾及汝質比吾淳  
隱忍遭時好踈狂取世嗔  
莫如朱戶子應念白頭人  
自有前途在馳驅柰苦辛

自遣

白髮慚妻子青春誤典墳  
卜羊疑末路夢鹿強中分  
趨藥吾長技乾坤誰令聞  
興吟詩數首堪

對北山雲

懷夏德章表弟二首

汝勿嫌官小吾寧避世紛  
將尋郵傳長因訪武夷君  
溫嶺三山隔雄源二水分  
相從借車楫看遍八閩雲

其二

古驛臨長路通材隱下曹  
本資微祿養莫憚小官勞  
越嶠南邊峻閩山北上高  
綠楊門外道車馬日嘈二

贈程參軍本倫

暫結滇南綬俄移薊北官一年衝瘴癘萬里走  
炎寒未老歸轅促無媒仕路難聿來三徑晚留  
得菊花看

防秋

草盡沙場迥雲連古戍平秋風正蕭瑟胡騎忽  
縱橫萬虜窺南壘三軍駐近城不知諸衛霍何  
以報承明

秋懷

不問東流水秋河任淺深吳人受越間楚客學  
秦音雀擇高枝宿蟲窺明月吟有懷何以遣長  
嘯夜沉二

子欽來宿

汝來吾病已客喜主心安夜永涼初至壺傾興  
未闌暗蟲棚豈密明月井梧寒喚婦重沽酒今  
宵必盡歡

野人

野人不出市稚子早扃扉池淺紅菱老畦乾紫

芋肥寒蟬臨莫咽秋葉趁風飛試向東鄰問征夫何日歸

登萬歲山謁越國公廟

烽火照迷樓英雄振六州一心皈日月千載賽春秋石古生竒狀川長納亂流萬山憑險處猶似擁戈矛

偶成

秋花不作實秋露不成珠古道因時變高門持論殊螢飛遺腐草免去守空株珍重先鞭意深慚轅下駒

初度宴客

兩番勞上客十月到寒門今歲逢初度去年生長孫繁花分菊圃踈木間楓村不厭霜天莫香醪幸滿尊

相逢行

相逢如夢寐盃酒柰愁何不復黃金鑄空勞白雪歌荒村杜宇急官路柳花多莫笑門無客誰能訪薜蘿

邀夏純甫訪王汝安東山別館

南郭邀高友東山訪故人屬辭知調苦醉酒見  
情真菜飯秋堪斲芙蓉莫可紉十年離索意相  
對不能陳

夜坐述懷

獨坐夜沉二雞聲起四鄰多愁兼聽雨不寢更  
懷人滌器憐司馬負薪愧買臣長安堪醉酒遮  
莫有風塵

咏懷

用詩篇名

黃鳥語絲蠻青蠅止棘端苑中棠棣落江上谷  
風寒杖杜堪誰託衡門好自安考槃聊寤宿時  
展抑篇看

遣懷

秋蟲鳴似訴故二近牀前餅罄陶潛粟囊慳杜  
甫錢世情相賤鄙吾意自矜憐不信謀生策全  
資負郭田

程子達至二首

自解東遊纜今歸又幾年我遭同室鬪君受故

沙南遺集 卷之五 十一  
人憐歲月俱衰謝，田園累變遷。吳航如再泛，須計買山錢。

其二

生涯且莫問，君把敝袍看。自覺潘郎老，誰憐范叔寒。鳥高經雨重，花晚受風殘。縱有長遊興，其如世路難。

將遊海上，即席別金上甫、陳朝佩

共醉今朝酒，明當即治任。筵前一日雨，海上十年心。烈士悲遲暮，名山恣討論。東遊有花鳥，吾老尚能吟。

贈金上甫

新詩真麗藻，對客屢吟哦。顧我相知晚，憐君自得多。紫芝巖下秀，白雪郢中歌。喜並柴桑舍，論文願數過。

歲莫

潦草衣裘敝，飄蓬歲序闌。身圖緣底拙，骨相本來寒。野雪依沙斷，河冰冒霧殘。鄉心何以託，遙向塞鴻看。



送詹東圖北上

十載挹清芬淮陰忽遇君錦韉偕上計椽筆草  
雄文 聖主方虛席通儒早策勛好令巖穴士  
他日附青雲

懷守常濟甫

遠客憶深知寒燈對苦思何時當聚首今夕正  
攢眉舊里枚生墓長淮漂母祠明朝須弔古相  
寄近題詩

水邊酌

好風能愛客陣二解離愁暮雨如花落春江似  
酒流野心生潦草鄉語重綢繆忽動吳山思南  
行問便舟

登淮海奇觀閣

高閣凌霄漢奇觀逼畫圖要荒全帶楚形勢遠  
臨吳日映金沙澗天開白馬湖古今烟月地南  
望是江都

飄零

飄零來北土惆悵對西風過宋心恒切干齊術

未工暮天寒雨密高岸野烟籠此際吾鄉好山  
花茂幾叢

莫厭

莫厭皮毛相聊寬羈旅懷酒能增意氣詩足暢  
形骸白水侵遙甸黃河濫古淮無勞更刻羽不  
與世人諧

偶作

莫遣當身興誰開此夕懷深藏步兵酒特斷太  
常齋任達難辭誦高談不避俳攢眉還獨坐何  
物作生涯

遣懷

對人慚寒拙愛客喜招呼身賤文章劣年衰計  
畫迂悲蟬依古木旅雁戀寒蘆長愧罌中粟朝  
朝問有無

春晝

雨過送春歸綠楊花正飛東風興不盡芳草意  
多遠已信田家樂應知吾道非明朝晴色好郊  
外試單衣

初晴

楊柳正依依，梨花布葉稀。  
輕雲澹午色，斜日歛寒暉。  
烟外青山出，沙邊白鳥飛。  
天風時送暖，乍可試春衣。

清明雨

幾日清明雨，家二墓祭難。  
溪聲風外急，野色霧中寒。  
西澗流東堰，青畦起白瀾。  
梨花真似雪，不及待晴看。

老寒

長笑身衰謝，空談家破殘。  
荷衣霜下裂，蓬鬢雪中寒。  
公論從誰定，私交自古難。  
南華有真意，日閉門看。

少年

軍中最少年，所向輒無前。  
一騎當中隊，三交縛左賢。  
功名探虎窟，心事問龍泉。  
未敢論歸計，音書且莫傳。

術疎

術疎人見鄙，身憊俗相輕。  
賦有歸田興，家無負

郭耕獨憐花發意多謝燕來情筆研緣何事聊  
將慰此生

放鶴亭

緱山王子晉遼東丁令威以爾仙人侶而招處  
士歸荒亭明月落孤塚白雲飛彷彿聞清唳柴  
桑未掩扉

憇山家

好遊非俗駕留客有山家蹊履經年葉橋支歷  
世查蔬餐供石耳香飯出松花戶外羣峯秀相  
將眺晚霞

初度

時光瞥眼過又是五旬餘產為家艱破交因世  
態踈應酬常屬草辛苦類傭書卻對盈尊酒渾  
如少壯初

重入故居

此地非他地新居即故居重来三載後仍借十  
年餘歲月容還往乾坤任卷舒人生渾是寄吾  
道竟何如

遊南安寶界寺

清節墨君閣高標鐵漢樓昔賢遭貶竄而我適  
遨遊庾嶺當南徼章江據上游荒城遺古寺千  
載託名流

過張曲江墓

荒墳青嶂裏古蹟碧霄間卿月沉金鑑台星落  
寶山峯攢韶石秀岡轉相江灣惟有蒼松際孤  
雲自往還

程子達約余八月同遊會稽諸名山作此  
寄之

水憐吳下秀山愛越中幽為爾多新興令人憶  
舊遊西陵江月夜北幹海天秋好向聽潮閣臨  
風遲我舟

村居即事

幽徑人稀到侵晨但鳥喧雨餘花礙路雷過笋  
當門綠阪連高隴青山抱遠村短籬聊護竹來  
往任雞豚

上巳峽溪遊眺

萬室遙週匝雙溪近抱環芳洲餘氣色晴日弄  
潺湲橋映藏龍水亭依起鳳山春風三月禊何  
似永和間

思遠道

瘦馬心懷遠驚鴻飛競前年華中五十客路半  
三千庾嶺南通粵燕臺北近邊所經山水趣虛  
負伯牙絃

仲秋

來歲當逢閏今年節候移如何仲秋月猶似盛  
炎時廣隰黍收早重巖桂放遲素紉輕棄擲誰  
與引涼颼

不寢懷守常

展轉不成寢涼天夜正中有懷生妄想無聽啟  
真聰樹影含窓月秋聲襍砌蟲此時茗水客清  
夢定相同

九日登落石亭子

亭敞晴流翠風迴暗度香酒依金谷數人似竹  
林狂雜木圍城塹清溪鎖石梁莫愁蓬鬢改須

盡菊花觴

侵晨

侵晨出城郭寒日尚朦朧霧捲羣山出秋深四野空登臯因憶鶴臨渚忽思鴻一望田園趣躬耕得素風

醉登落石臺

迴磴多崎險攀緣獨上難高臺窺萬井斜日散千山澗水生寒色楓林逼醉顏小童催杖屨清味踏雲還

一葦遊為陳仲魚作

一葦架長川八牕開四天但憐居澗趣不費買山錢寶筏超迷海靈槎載列仙清風時激引直犯斗牛邊

圍爐

山芋地爐煨兒孫喜共圍風從午後烈雪雜雨中飛春近梅花早寒多酒力微情親儻相就且莫掩柴扉

踏青

緩屨青郊路行二擊衆芳柳姿含宿雨草色犯  
春霜近郭來沽酒當壚笑進觴東風雙袖舉吾  
醉欲顛狂

楊柳

萬樹媚春天垂二盡可憐正晴花散雪先暖葉  
生烟繫馬鬆金絡攀條綴玉鞭微風輕拂鬱孃  
娜畫樓前

閨情

男兒經四方賤妾掩紅粧莫戀容顏好須憑贅  
力強十年提故劔萬里備戎行得意歸來日毋  
窺陌上桑

雨中獨酌因懷守常濟甫

多情惟對酒獨酌重生愁遠客家何在故人書  
未脩莫雲增野色春水逼江流卻憶文溪上狂  
歌日幾遊

淮陰夜坐

夜靜天如水河清月欲流影分烏不定行斷雁  
相求晚作依人計秋生故土愁淮陰無賈術空



此嘆淹留

王昭君

一從蒙選後長日坐深宮無路酬明主何緣怨  
畫工別愁隨漢月歸夢斷胡風萬死甘心赴寧  
辭絕域中

招隱亭

僻地誰招隱方舟我挈壺到門看鶴舞修供喜  
僧呼壁寫雙林偈碑鐫五岳圖淮陰近喧噪惟  
此一塵無

談禪

南風當戶入新緝芰荷衣據榻賓留坐窺簾燕  
試飛妙談祛障劇疑義折禪微早悟無生趣因  
君得所皈

謁平江伯祠

上國軍儲急長河駕運宜萬艘當代蹟孤嶼昔  
賢祠水竹依卷石亭臺倚斷陂淮陰昏墊苦精  
爽尚憂時

淮陰遇雪漁子

為漁何地雪相遇射陽墟古跡鐫蒼鳥疑文辨  
魯魚楚山連孔望淮水接河渠待勒名區志從  
君乞篆書

早起

夜色窓中盡朝光戶外懸伏天宜早起長日自  
神全我任嵇生達人嘲揚子玄南風有真趣逸  
調寡相憐

秋情

斷岸蘆纒密長堤柳欲殘南淮秋水早東楚晚  
風寒蓬鬢愁中短荷衣客裏單遠天鴻數點時  
倚木蘭看

月下寫懷

旅次情難遣秋天夜可憐晴空少纖翳滿月正  
孤懸淮海龍宮藏維揚牛斗躔古來遊俠地虛  
度又經年

淮南

南淮原水國一望盡平川草色宜晡日秋光媚  
暮天鳥投金澗樹風起廣陵船稍似鴛湖上如

聞唱採蓮

塞上曲

帳前排虎旅戲下布魚麗刁斗晨昏擊發弧左  
右馳虜羣驚號令部曲感恩私遮絕南窺路王  
庭指日犁

暮秋

淮陰蕭瑟地況柰暮秋何酒對黃花少愁經白  
髮多雲迷濁水月風作射陽波僻性難馴伏無

柳獨肅歌

月

暈合蟾應動光全桂始浮一輪天上滿千里客  
中愁重影遙吞漢餘清近帶秋海門今夕浪高  
逆大江流

和汪惟忠秋日同登河北小樓眺望

倚檻矚歸鴉開窓眺落霞霜寒踈岸柳秋老媚  
籬花旅思談玄釋詩懷得酒賒登舟不覺晚烟  
霧鎖千家

菊

衆卉皆迎暖孤英獨傍霜乍開偏鬪彩未落尚  
生香南日分移席西風助進觴豈如桃李俗秖  
解媚春陽

睡覺

踈鐘和夜短殘月下檐低泯二春眠重遙二客  
夢迷山泉百道響野鳥五更啼遠愧龐公業妻  
孥無地携

盆池魚

勺水淨涓二金魚最可憐且將濠上樂移適盜  
中天東海虛投轄西江空激泉濠二得時雨生  
意更悠然

新晴留客

久晴逢雨好雨過喜新晴萬樹流陰爽千山入  
望清村醪貧主意麥飯野人情王謝今安在爲  
予一致轂

間歲

間歲山陽客歸來訝此身風霜侵半老詩酒渾  
長貧簷過三秋雨郊添十月春閑心方憶遠白

髮重催人

冬日客過留酌

石爐餘火煖相對意俱忘野客清談樂山家濁  
酒香鄰烟生午色窓雪起寒光自笑杯盤罄何  
當引興長

冬郊暮色

山下棲禪院溪邊賣酒家烟村出晚景霜葉麗  
春花暮侶孤鴻咽投林過鳥譁遠風初厲疾西  
照又生霞

桃李

無言是桃李蹊徑接通津暮雪壓將折春風吹  
又新花應能再發士亦不長貧寄語繁華子誰  
為迷路入

負暄

藉草春初際負暄日起時雞豚欺我老燕雀喜  
兒痴獨對青陽候高吟白雪詞知音尚千載別  
有賞心期

對酒

高歌對滿觴村酒野花香白日南天麗青山北  
郭長老懷渾及壯醉語益增狂笑殺雙棲燕呢  
喃向夕陽

水漲

澤國烟迷市山城水到門四郊雲氣重一日雨  
聲喧驟浪連高坂驚波倒近村遙空黯無色泯  
泯似黃昏